

Naqqiissut

Nutaaq

(Akissuteqaat 4. marts 2015-immersoq taarserpaa)

(Taaguutit annikitsut allanngortinneqarput)

Uunga siunnersuut: Inatsisartut Suleriaasiata allanngortinneqarnissaa (UPA2015/148).

Uunga siunnersuut: Naalakkersuinikkut sulinermit aningaasatigut tapiissuteqartarneq pillugu inatsisartut inatsisaata allanngortinneqarnera pillugu Inatsisartut inatsisaat nr. x, xx 2015-imeersoq (UPA2015/149).

Uunga siunnersuut: Inatsisartuni Naalakkersuisunilu il. il. ilaasortanut akissarsiaqartitsisarneq il. il. pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xx 2015-imeersoq (UPA2015/150)

(Siunnersuutit tamarmik Inatsisartut Siulittaasoqarfiannit saqqummiunneqarput)

Akissuteqaat

(Naalakkersuisut Siulittaasuut)

1. Siullermeerneqarnera

Aallaqqaasiullugu Naalakkersuisut Siulittaasuattut Siulittaasoqarfik qutsavigissavara siunnersuutiniq saqqummiussineranut. Naalakkersuisut siunnersuutit soqutigintippaat, Inatsisartulli iluanni annertunerusutigut suliassaasut isumaqarlutik. Siunnersuutilli saqqummiunneqartut immikkuualuttut ataasiakkaat Naalakkersuisut sinnerlugit imatut oqaaseqarfigissavakka.

Inatsisartut Suleriaasiata allannguutissaatut siunnersuummi Naalakkersuisut maluginiarpaat, siunnersuutigineqartoq ataatsimiititaliat apeqqutaannut Naalakkersuisut allanngorlugu akissuteqartarnissaat ataatsimiititaliat piumasaqaatigisalersinnaassagaat. Paatsuungasoqaqqunagu tassunga oqaatigissavara, Naalakkersuisut isumaat malillugu Naalakkersuisut tamatigut ataatsimiititaliat apeqqutaannut allakkatigut akissuteqartartussaammata, tassa ataatsimiititaliat isumasioqatigiinnermi imaluunniit ilisimatitsilluni ataatsimiinnermi apeqqutit oqaasiinnartigut akineqartarnissaat kissaatigisimanngippassuk.

Apeqquteqartarluni oqallissaarineq oqaaseqarnissamut siunnersuummik ilaqartinneqartarnissaa pillugu siunnersuummut Naalakkersuisut oqaatigissavaat, minnerpaamik sap. akunnerinik

pingasunik piffissaqartinneqarnissaq piumasaqaataasoq Inatsisartuni isumaqatiginninniarnissap pitsaassusissaa qulakkeerniarlugu. Ilaatigut isumaqatiginninniarnissat naalakkersuinikkut piareersarneqartarnissaat eqqarsaatigalugu. Ilaatigut piareersarluakkamik tunngaveqarluni oqallinnissap piareersarneqarnissaa qulakkeerniarlugu allaffissornikkut aaqqissuussatigut pisariaqartitsineq pissutigalugu.

Naalakkersuisut aamma ernumassutigalugu oqaatigerusuppaat, apeqquteqartarluni oqallissaarinerit Inatsisartut oqaaseqaateqarnissaannut missingiummik siunissami ilaqartinneqartalernissaannik siunnersuut inuiaqatigiinni siunertamut naapertuutinningsumik isumalluatitsilersinnaammat.

Taamaammat tamakku ataatsimut isigalugit Naalakkersuisut inassutigaat, apeqquteqartarluni oqallissaarinissamut siunnersuutitut maleruaqqusani Inatsisartut oqaaseqaateqarnissaannut maleruaqqusassat Inatsisartut akuerissanngikkaat.

Ilanngullugu siunnersuutigineqarpoq, siunnersuutit sulluunniit Inatsisartut ukiumi katersuuffiata naanerani inaarutaasumik aalajangiiffigineqanngitsut ingerlaannaq atorunnaarsinneqartassasut, tassa ataatsimiititaliaq imaluunniit siunnersuuteqartoq Siulittaasoqarfimmut piumasaqanngippat Inatsisartut ukiup tulliani katersuunnissaannut siunnersuutit attatiinnarneqassasut. Nunatta Karsiata Naatsorsuutaanik akuersissuteqartarnissaq pillugu siunnersuut tassunga ilaatinneqanngilaq.

Naalakkersuisut isumaqarput inatsisissatut siunnersuutip salliutinneqannginnissaa pillugu aalajangiineq Inatsisartunit tamanit aalajangiiffigineqartariaqartoq, aamma siunnersuutigineqartoq imaaliinnarlugu atorunnaarsinneqartassanngitsaq. Taamaalillutik Naalakkersuisut siunnersuut saqqummiunneqartoq ilalernartinnngilaat.

Ilanngullugu siunnersuutigineqarpoq suliassanik nammineq piumassuseq malillugu nalunaarsuisarneq pinngitsoorani tamanit atorneqartalissasoq, tassa Inatsisartuni sulineq eqqarsaatigalugu erseqqissuliortarnissamik nalinginnaasumik anguniagaqarnermut atatillugu.

Tamanna ilutigalugu siunnersuutigineqarpoq ilaasortat suliassaminnik nalunaarsuisimanningsunut kinguneqaatissiisoqartassasoq, qaammatit tamaasa partiinut piginnaatitsissutitut tapiissuteqartoqartassanngitsaq, ilaasortaq ataaseq paasissutissiisimannngippat imaluunniit pinngitsoorani nalunaarsuiffissamut eqqunngitsumik paasissutissiisimappat kinguneqaatissiisoqartassasoq.

Naalakkersuisut isumaqarput nammineq piumassuseq malillugu suliassanik nalunaarsuisarnerup pinngitsoorani tamanit atorneqartussanngortinneqarnera ajornartorsiutitaqassasoq, tassa ilaasortat ataasiakkaat piumasaqaatinik atuuttunik malinninngitsut pineqaatissiisummik partii ataaseq kinguneqaatissinneqartussaammat, taamalu toqqaannanngitsumik partiini ilaasortat tamarmik eqqorneqassallutik – tassunga ilanngullugu suliassanik nalunaarsuisimasut maleruaqqusanillu malinnissimasut.

Naalakkersuisut siunertamut naleqqunnerusorivaat tamatumunnga taarsiullugu Inatsisartuni partiit ilaasortaatic kaammattussagaat inuussutissarsiumminnik aningaasaqarnikkullu soqutigisaminnik

tamanut saqqummiussinissamut, tassa aningaasatigut pinngitsaaliineq kinguneqaatissiinerlu maleruaqqusanik unioqutitsisoq kisiat pinnagu allanik eqquisussat atornagit.

Naalackersuisut eqqarsaatersuutit qulaani pineqartut aallaavigalugit kaammattuipput, naalackersuinikkut sulinermut aningaasatigut tapiissuteqartarneq pillugu inatsisartut inatsisaata allanngortinneqarnissaanut siunnersuut kinguneqartitsinissamut iluarsineqassasoq, tassa ilaasortat ataasiakkaat suliaassanik nalunaarsuinissamut piumasaqaatinik naammassinninngitsut aalajangersakkanut ilaatinneqannginnissaat eqqarsaatigalugu.

Taamatut Naalackersuisut oqaaseqaateqalaarlutik qilanaarivaat siunnersuutitut saqqummiunneqartut Inatsisartuni suliarineqarnissaat.